



**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 2. Vtrum idem actus internus poßit esse simul bonzs, & malus.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

do executio penderet ab una voluntate, median-
tibus duabus intentionibus, altera bona, altera
prava: vt si des eleemosynam ob duos fines in
solidum; vt ob laudem humanam, & ob satisfa-
ctionem peccatorum: hoc enim fieri posse patet
ex dictis supradictis, qu. 12. art. 3.

Idem actus exterior pendens à duabus vno luntatis bus, potest simul esse bonus & malus.

Respondeo & Dico Primò, In priore casu idem actus exterior simul est bonus & malus, meritorius vita eterna, & mortis eterna.

Probatur, Quia illa largitio, ut est actus Domini, est meritoria; proficiuntur enim ex bona intentione; neque Dominus ei aliquid apponit, quod meritum impedit. Ut vero est actio famuli, est demeritoria; facit enim illam mortiferam intentionem, vti suppono.

Respondent quidam; illam actionem non esse moralem respectu Domini, sed solum respectu famuli; proinde Dominum non mereri per illam, sed solum per imperium quo iubet illam fieri, quia non est in potestate Domini nisi remotè.

Sed contraria, Is qui mandat, propriè est causa moralis effectus secuti; unde in utroque foro incurrit pena iuris, non secutus, ac si per se fecisset. Nec refert, quod effectus non sit immediate in eius potestate: quia dum quis occidit sagittam, effectus non est immediate in sagittarij potestate; tamen occasio illa propriè est opus eius, ac peccatum. Pari modo dum quis per famulum agit, imperio enim suo ei veluti impetum quemdam ad opus imprimet, ex quo moraliter sequitur operatio; sicut sagittarius imprimet sagittam impetu, ex quo sequitur motus & percussio.

Dices, Contra non possunt esse in eodem: atque bonum & malum sunt contraria.

Respondeo, Non posse esse in eodem respectu eiusdem, sed bene respectu diuersorum; sicut simile, dissimile; aequale, inaequale; bonum enim & malum dicunt relationem sicut simile & dissimile; quod enim vni bonum, est alteri malum. Adde, bonitatem & malitiam non esse in actu exteriore intrinsecè vel immediate, sed solum per denominationem extrinsecam, à diuersis actibus interioribus.

Dico Secundò, In altero casu probabilius videtur, idem opus externum non esse simul bonum & malum, sed absolute malum.

Probatur; Quia ut actus dicatur bonus, nihil debet habere mali respectu subiecti cui bonus dicitur: Bonum enim est ex integra causa. Atqui talis actus exterior habet aliquid mali, scilicet quod procedat ex intentione vanæ gloriae in eadem voluntate: ergo non est bonus.

Dices, Iste actus procedit etiam ex bona intentione.

Respondeo, Hinc tantum sequi esse bonum secundum quid, seu ut præcisè ab illa intentione penderet; non autem esse bonum absolute. Et ratio est, quia bona intentio interior, non potest opus externum facere simpliciter bonum respectu operantis, si ipse operans vel per negligenciam, vel per prauam aliam intentionem illam contaminet: Nam hoc ipso velut maculam contrahit, quæ impedit ne bona intentio ipsum absolute bonum & pulchrum reddat. Secus res habet, quando opus à diuersis voluntatibus procedit; tunc enim is qui facit opus bona intentione, non apponit ei labem per malam intentionem, vti supposimus.

Idem actus exterior pendens ab una voluntate mediante duplice intentione, una bona altera mala, est absolute malum.

Hinc sequitur, idem opus externum non esse simul meritoriu & demeritoriu; quia eti in bona intentione sit meritum, hoc tamen non potest operi externo communicari, cù quod per infestationem quam trahit à mala intentione, reddatur incapax.

Dixi, esse probabilitus, quia contrarium etiam est probable, vt docet Almainus tract. I. Moral. cap. 12. Adam in fine 2. Sent. dub. vlt. Medina hoc loco, & alij quidam. Ratio est; quia opus externum procedens ex duabus intentionibus, esti physicè sit unum; tamen moraliter est duplex; vtpote duplice intentione informatum; & ita mirum videri non debet, si simul sit bonum & malum; meritorium & demeritorium; præsertim cùm hæc solum per denominationem extrinsecam ei conueniant.

Dices: ergo idem in eodem opere poterit simul mereri vitam eternam, & damnationem.

Respondeo Negando consequentiam. Repugnat enim vt haec simul fiant, non solum eodem actu, sed etiam diuersis; quia repugnat vt idem subiectum operans sit dignum vitâ eternâ, & morte eternâ. At non repugnat vt idem operans sit vitâ eternâ, & pœnâ temporali; vt sit multibonum, in statu gratiae, & peccati venialis. Nihil ergo incommodi, si concedamus hominem eodem opere externo propter diuersas intentiones mereri simul vitam eternam, & peccare venialiter. Hoc enim meritum immediate conuenit intentionibus; mediatè vero & extrinseca denominatione operibus externis.

Dico Tertiò, Idem opus externum potest successivè esse bonum, & malum; meritorium vita eterna, & mortis eterna. Est communis sententia Doctorum.

Probatur Primò, Quia quavis externa operatio successiva, potest inchoari bona intentione, & sic erit meritoria; & paulò post continuari mala intentione; & tunc incipit esse demeritoria: erit tamen vna & eadem actio continua, quamvis secundum aliam partem futura sit bona, secundum aliam, mala.

Secundò, Idem probatur de actione indubitate, quæ non habet partem post partem; quia fieri potest vt eadem consideratio intellectus, imaginationis, oculorum, primò fiat bona intentione; deinde mala intentione continetur, nulla facta mutatione in ipsa consideratione: Ut si cogites de materia turpi, initio quidem animo iuuandi proximi, postea animo te oblectandi.

D V B I V M. I I.

Vtrum idem actus internus possit esse simul bonus & malus?

Quidam Parisienses affirmant teste Almaino, tract. I. c. 12. Et probant Primò, Ex voluntate mentiendi obstetricum ad saluandos infantes Hebreorum. Exodi 1. Secundò, Quia potest aliquid eligi ob duos fines, alterum bonum, alterum prauum: atqui talis electio simul est bona & mala. Tertiò, Quia potest quis velle temperate comedere eo tempore, quo est contra votum: atqui hæc voluntas videtur bona, quia tendit in bonum temperatiam; & praua, quia est contra votum.

Respondeo,

142 Qu. 20. De bonit. & malit. actuum exteriorum. Art. 6. Dub. 2. 3.

Degatur.

Respondeo, fieri nullo modo posse ut idem numero actus interior voluntatis simul sit bonus & malus, meritorius & demeritorius. Est communis sententia Doctorum, & probat Gregorius in 2. d. 28. & Almainus supra.

Probatur Primo, Quia actus interior non dicitur bonus vel malus denominatione extrinseca ab alio actu, sicut exterior; sed per se & immediatae: atqui fieri nequit, vt per se sit conformis rectiorationi, & simul eidem repugnet: ergo, &c.

Secundo, Vt actus interior secundum se sit bonus, oportet ut nihil habeat mali: implicat ergo ut secundum se sit bonus & malus.

Ad primam rationem. In obstetricibus illis erat duplex voluntas, scilicet saluandi infantes, que voluntas proficierebatur ex timore Dei, & erat bona; etiamque Dominus mercede temporali compensauit: & mentiendi, vt euaderent peccatum violatae iussionis regie: haec fortassis erat mala.

Dico fortassis; quia probabile est, illas mentiendo non peccasse, quod putarent errore inculpato id esse licitum in tam graui causa. Quod etiam in Rahab, Iudith, multisque alijs veteris Testamenti videtur locum habuisse. Si enim viri doctissimi putarunt aliquando esse licitum mentiri, quanto facilius id homines simplices absque culpa existimare potuerunt?

Ad secundam rationem. Dum aliquid ob duos fines seorsim eligitur, est duplex electio: altera bona, altera mala; vt patet ex dictis q. 12. a. 3.

Ad tertiam rationem. Illa voluntas temperante comedendi, est prava, quia est contra votum; nec vlo modo est bona, cum per se & immediatae mala sit. Neque verum est, eam tendere in obiectum honestum; quia opus externum cum suis circumstantijs non est honestum. Et quamvis omnes positiua circumstantiae virtutis temperantiae adfint, hoc tamen satis non est ad bonum temperantiae: requirit enim vt non adsit etiam vlla circumstantia contra aliam virtutem, quae bonum temperantiae in opere impedit. Et ratio est, quia omne opus virtutis debet eo modo quo fit in re, esse consentaneum rectae rationi. Vnde omnis circumstantia quae facit, vt opus sit contra rectam rationem, ad quodcumque illa virtutum pertineat, facit vt non sit opus virtutis, sed vitii.

D V B I V M I I I .

Vtrum idem actus interior voluntatis possit successuè esse bonus & malus?

36
Durandus
affirmat.

Caiet.
Medina.

Maior.

D Vrandus in 2. d. 40. q. 3. nu. 4. affirmit. Adferit exemplum in eo qui vult celebrare Missam, & continuat illam volitionem superueniente interdicto: haec enim volatio ante interdictum, est bona, post interdictum, est mala. Idem docet Caiet, hoc loco, & Medina supra, q. 19. art. 1. Et quæst. 18. art. 9. ait; Certissimum est, quod omnis bona operatio, etiam dilectio Dei, potest esse mala per appositionem alicuius circumstantiae. Idem docet Maior in 3. d. 37. quæst. 8. de omni actu bono: putat enim, Deum posse prohibere etiam ipsum amorem Dei, & ita amorem Dei posse fieri malum.

Respondeo & Dico Primo. Verius omnino, esse, eundem actum interiorum voluntatis non

posse successuè esse bonum & malum formaliter. Idem actus interius voluntatis qui 1. art. 1. cor. 2. Conradus in hunc art. qui non potest id probat ex D. Thoma.

Probatur Primo, Quia si actus virtutis posset esse malus, possemus virtute male vti; Nam virtus esset principium eliciens pravae operationis: Occam. atqui virtus talis est naturæ, vt nemo cā male vti possit: vt docet D. Thomas infra, q. 56. art. 4. ex Contra-Augustino, & consentiunt passim Theologi, & Philosophi.

Secundo, Sequeretur Deum auxilio speciali gratia, & virtutibus infusis ad actus peccatorum cooperari: imo propriè esse causam multorum peccatorum, & ad ea excitare; sicuti propriè est Deus sic effet causa multorum peccatorum, & ad ea excitat. Quærum omnia à veritate sunt aliena, & repugnant Conclito Trid. Sess. 6. c. 6.

Hoc sequi probatur Primo, Quia si ille actus manet idem specie & numero, nec accipit villam intrinsecam mutationem (vt supponimus:) ergo quando erit malus, pendebit ab ipsiusdem causis, à quibus pendebat initio, cum esset bonus: atqui initio pendebat ab auxilio diuino tamquam à propria causa: ergo & postea pendebit ab eodem auxilio. Secundo, Quia si potest initio elici bonus & postea fieri malus, etiam potest initio elici malus, & postea fieri bonus, vt manifeste patet exemplo Durandi: potest enim quis velle celebrare tempore interdicti, & continuare illam voluntatem interdicto reuocato: atqui tunc Deus per auxilium gratia, non minus est causa illius actus, quam si esset bonus (est enim actus supernalis:) ergo non minus propriè erit causa actus mali quam boni.

Tertiò Probatur à priori. Obiectum tribuens speciem bonæ volitioni, est bonum honestum, non quoquis modo, sed prudenti iudicio propossum: ergo si haec propositio mutetur, & definat esse prudens, non manebit idem specie actus. Patet consequentia, quia mutato obiecto vel propositione necessariè, mutatur actus. Antecedens probatur, quia aliqui si quis imprudenter & ex ignorantia crassa vel affectata iudicaret aliquid esse honestum, Deoque gratum, illudque vellet; illa volitio esset eiusdem speciei, atque volitio eius, quod verè honestum est. Et ita zelus ille Iudeorum, quo zelabant pro lege sua, persequentes Christum & Apostolos, esset eiusdem omnino speciei & virtutis, cuius est zelus Catholicorum in hæreticos & blasphemos; & consequenter esset actus charitatis vel religionis, quod planè falsum est. Confirmatur, quia actus charitatis habet suam speciem ab obiecto non nudè considerato, sed vt ab intellectu proponitur & applicatur: atqui longè aliter applicatur iudicio prudenti, aliter imprudenti (iudicium enim prudens est cuius & certum, imprudens est obscurum & incertum:) ergo haec iudicia efficiunt diuersitatem specificam in actibus voluntatis.

Dices, hanc sententiam non habere locum in actibus supernaturalibus, sed solum in naturalibus.

Sed contrà. Primo, Hoc est contrà mentem illorum auctorum: nam ponunt exemplum in voluntate celebrandi sacri, quæ voluntas est actus supernaturalis religionis. Secundo, Ratio cur putent cundem actum naturalem successuè esse posse bonum

37
Prob.
à Priori.

Differen-
tia inter
zelum Iu-
deorum in
Christum,
& Cathe-
licorum in
hæreticos